

SiōngChú kah I só Siatlíp ê Ông

(Tabít ê si.)

- 1 SiōngChú tùi góa ê chú kóng, Lí chē Góa ê chiàⁿpêng,
títkàu Góa hō lí ê tuiték chò lí ê khatáh.
- 2 SiōngChú beh hō lí tùi Si'óng chhunchhut lí tōa koānlêng ê koái;
lí beh tī lí ê tuiték tiong chiángkoân.
- 3 Tī lí chhutcheng ê jít, lí ê jînbin lóng kamsim hōngghiàn kakī;
lí ê siàuliân lêng ēng sèngkiat chò chongsek, chhinchhiūⁿ chhengchá ê lõchúi, lâi kàu lí hia.
- 4 SiōngChú íkeng chiùchōa, tòh choattùi bē káipiàn I ê simì; I kóng,
"Lí kah Malkichetek kāngkhoán, éngoán chò chèsi."
- 5 Tī lí chiàⁿpêng ê Chú,
tng I siūkhì ê jít, I beh phahpāi liát ông.
- 6 I beh símphòanⁿ bānpang, hō sinsi piànmóa tàk sóchāi;
I koh beh phahpāi chēchē kok ê kunông.
- 7 I beh iântô lim lōpiⁿ ê khechúi,
jiânāu koh giákhí tháukhak.

上主 kah 祂所設立 ê 王

(大衛 ê 詩。)

- 1 上主對我 ê 主講：你坐我 ê 正 pêng，
直到我 hō 你 ê 對敵做你 ê 腳踏。
- 2 上主 beh hō 你 tùi 錫安伸出你大權能 ê 枋；
你 beh tī 你 ê 對敵中掌權。
- 3 Tī 你出征 ê 日，你 ê 人民 lóng 甘心奉獻 kakī；
你 ê 少年人用聖潔做粧飾，親像清早 ê 露水，來到你 hia。
- 4 上主已經 chiùchōa，tòh 絕對 bē 改變祂 ê 心意；祂講：
「你 kah 麥基洗德全款，永遠做祭司。」
- 5 Tī 你正 pêng ê 主，
當祂受氣 ê 日，祂 beh phah 敗列王。
- 6 祂 beh 審判萬邦，hō 身屍遍滿 tàk 所在；
祂 koh beh phah 敗 chēchē 國 ê 君王。
- 7 祂 beh 沿途 lim 路邊 ê 溪水，
然後 koh giáh 起頭殼。